

## Rodou

Vėskas praein dėdlė greitā:  
Va, i vasaras nebtorem.  
Ir apėnt prasīded rodou –  
Bjaurės dėinas, bjaurė lītā,  
Dėbėsis kap degots joudė.  
Galem kriuktė, dainioutė a jouktėis –  
Dėinū atgal nebatsoksem.  
Rėks apėntās vargtė su bulbiems,  
Su batvėnės, su vagorklās,  
Muorkās, sietėnės, cėbuliems.  
Kas dā nesam nusikūlė,  
Pėktė pakėimės lakstīsem:  
Vės kombainininkus keiksem,  
Ka darboutėis nebipaslenk,  
Tiktā mėigt a slunkiūo gėrtė.  
Vuo saulelė vės mėnkiau bešvėis,  
I šešoulītė būs elgesnė.  
Laukus vuortinglė apipėn,  
Vasara kaikamė kavuojėis, –  
Spind kap cėdabrėnės druotės.  
Kū be paukščiu dėrbsem dabā?  
Īšlek blezdingas, vuo žvėrblė  
Senė kažikor prapoulė –  
Nebėnt varnu kartās atlieks  
A nupliūrusi kuoki šarka?  
Vėina laimė, je laiko mėdžiu  
Prisivėlkuom, prisiskaldiem:  
Kad i būs nedėdlė linksmā –  
Šėlčiaū būs bumbietė pri pečiaus,  
Ka i kuoks pėktoms užėtom.

*Vilniou, 2004-08-31*